

Aen Gangjmingz Gvendaengz 《Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh》

(ciep banj 11)

Faenh gauj 《Genyi》daj aen gihbwnj dinghvi h neix bae maeuzveh mboengq “Cibhaj Haj” baenzlawz hwnghat, gawq caeuq gij leixniemh nem lohnaemj aen gveihva “Cibseiq Haj” daezok haenx doxciep, youh liuh cinj coglaeng 5 bi guek raeuz yaek baenzlawz hwnghat, daezok gij cungjdaej lohnaemj、yenzcwz hungnaek、cujiyau moegbiu、canloz yinvu hab saedsaeh、yawj ndaej gyae haenx. Aeu gaemdawz mboengq seizgan ndeileih raeuz neix, gyamaenh haigvangq gijndei、cawz bae gijgaz、bouj giz dinj giz nyieg, youq ndaw gozci beijak haenqrem hingz ndaej canloz cujdung, doidoengh gij canloz yinvu nangq daengz daengx aen yendaiva yiengh Cungguk ndaej daih cunghyoengq, saedbauj byaij ok yamq ndaej gietdingh daihdae j guhbaenz sevei cujiy yendaiva.

Daihngaih, gvendaengz gij moegbiu ginghci sevei fazcanj mboengq “Cibhaj Haj”. Hableix laebdingh gij moegbiu hwnghat, doi q ceiqdingh caeuq saedhengz ndei haj bi gveihva youqgaenj dangqmaz. Faenh gauj 《Genyi》dawzndei gij gihbwnj dinghvi h caeuq gij iugouz duenhmbaek mboengq “Cibhaj Haj”, mingzbez doekdingh le gij cujiyau moegbiu ginghci sevei fazcanj. 2035 nienz daihdae j guhbaenz sevei cujiy yendaiva, aen cijbyauh ndaej guh biugeiq youqgaenj ndeu couh dwg gij swnghcanj cungciz ndaw guek dan bingz daengz gak boux haenx dabdaengz yiengh sui jbingz aen guekgya cungdaengj fatdad, neix iugouz mboengq “Cibhaj Haj” ginghci sevei aeu baujciz vaiqmenh habdangq bae hwnghat. Faenh gauj 《Genyi》ginggvaq haeujaeg yenzgiu caeuq hableix lwnhcingq le, daezok doengh gij moegbiu youqgaenj baudaengz ginghci demmaj baujciz youq ndaw duenh hableix、daengx gaiq yausu swnghcanjliz onjbouh daezswng、gij rengzndumj ginghci demmaj ndaej cuengqlangh gaeuqdoh、gihminz souhaeuj demmaj caeuq ginghci demmaj doengzbouh、cienzongh bienq lai caeuq lauzdung swnghcanjliz bienq sang doengzbouh、gyoengq vunz souhaeuj cungdaengj lienzdaemh gyalai daengj. Doengzseiz, ngeix daengz mboengq neix gij vwndiz ginghci ndaw guek gyodroengz aplig gyalai、gij aeuyungh mizyauq mbouj gaeuq daengj, faenh gauj 《Genyi》daezok aeu hawj gihminz siufei q bienq lai mingzyienj、gij aeuyungh ndaw guek guh rengzgoek laebdaeb bienq ak bae ragdoengh ginghci demmaj daengj.

Ciuq gij guhfap doenghbaez, faenh gauj 《Genyi》daezok gij moegbiu ginghci sevei fazcanj mboengq “Cibhaj Haj” cujiyau dwg doekdingh iugouz, gidij itdingh aeu dabdaengz aen liengh lawz caeuq gidij guh lawz baijbouh hongsaeh couh louz daengz mwh ceiqdingh aen gveihva 《Ganghyau》caiq yenzgiu doekdingh, baenzneix cij ndaej yienh’ok caeuq langh’ok gij rengz 《Genyi》guh

hungzgvanh dazyinx de.

Daihsam, gvendaengz aeu doidoengh yiengh hwnghat coh ceiq ndei guh cawjdaez. 《Genyi》caeuq aen gveihva “Cibseiq Haj” caemh meg doxciep, laebdaeb doekdingh doinyoengx yiengh hwnghat coh ceiq ndei guh gij cawjdaez ginghci sevei fazcanj mboengq “Cibhaj Haj”, iugouz dingjmaenh aeu guhhoengh ginghci guh goek, caezcingj dengcinj cienzmienh hengz ndei gij leixniemh hwnghat moq, guh daengz caetliengh caen hwnj mbaek moq caeuq soqliengh demmaj hableix, doinyoengx ginghci lienzdaemh cangquvengh hwnghat caeuq ndawbiengz yienghyiengh ndei doxbae. Doinyoengx yiengh hwnghat coh ceiq ndei, ceiq youqgaenj dwg gyavaiq hawj gij gohgi sui jbingz sang ndaej gag guh gag ak, gyarengz hwnghat yiengh swnghcanjliz rengzmoq, youq doinyoengx gohgi cau hmoq、gyavaiq gungganq yiengh rengznoengx moq, coinyoengx gapgyaq ginghci gaijndei hwnj mbaek fuengmienh caen raenhamq、caen miz cunghyoengq.

Faenh gauj 《Genyi》daegbied dawznaek aeu gohgi cau hmoq guh dazyinx, youq hwnqguh aen di jhi yiengh canjnieb hab ciuhneix、gyavaiq hawj gij gohgi sui jbingz sang ndaej gag guh gag ak、gyavaiq ginghci sevei fazcanj cienj coh loegsaek liuxcaez daengj fuengmienh guh’ok baijbouh, daezok gaijndei daezswng gij canjnieb doenghbaez, ganqok guhhung gij canjnieb ngamq hwnghat caeuq gij canjnieb daengzcog, gyamaenh guhhung gij goekgaen yiengh ginghci saeddae j; daezok gyarengz guh yiengh cau hmoq baeznduj caeuq gungroengz gij gisuz ceiq youqgaenj, doinyoengx gohgi cau hmoq caeuq canjnieb cau hmoq yungzhab haeuj laeg bae, gyoebgyonj doicaenh gyauyuz gohgi vunzcaiz hwnghat, haeujaeg doicaenh hwnqguh soqci h Cungguk; daezok gyavaiq hwnqguh aen di jhi nwnghyenz yienghmoq, gyavaiq cau xbaenz yiengh swnghcanj swnghhoz loegsaek. Gij aeu louzsim de dwg, fazcanj yiengh swnghcanjliz rengzmoq iugouz bonjfaenh miz diuzgienh miz gizak cij baenz, ndigah, aeu ngeix ndei dwg mbouj dwg caen miz diuzgienh guh, faenh gauj 《Genyi》daegbied gangj daengz aeu ciuq cingzvang bonjfaenh bae fazcanj yiengh swnghcanjliz rengzmoq, couh dwg aeu dazyinx daihgya gohyoz singjsag、ciuq saed ciuq caen bae guh hongsaeh, fuengzre baez gangj couh luenhrob bae guh.

Daihseiq, gvendaengz guh ak ndaw guek daih baenqloek、hawj ndaw guek rog guek baenqloek doengrat bae. Gij vanzging bai hrog yied yiemzhaenq fukcab, yied aeu gyavaiq cau hlaeb aen gvaenghgaq hwnghat moq, gaemmaenh hwnghat youq ndaw fwngz raeuz. Seizneix caeuq gvaqlaeng mboengq ndeu, aeu dingjmaenh guh ak yiengh saeh ndaw guek baenqloek, gyavaiq guhbaenz aen di jhi ginghci baenqci enj ndaw guek maenh’ak, aeu ndaw guek baenqloek onjdingh bae dijsiu rog guek baenqloek yiengh

nanzliuh de.

Faenh gauj 《Genyi》daegbied dawznaek guh ak ndaw guek baenqloek, doi q hwnqguh aen hawciengz ndaw guek maenh’ak、gyavaiq cau hlaeb aen di jci yiengh hawciengz ginghci sevei cujiy sui jbingz sang bae guh’ok baijbouh, daegbied gangj daengz dawzmaenh gyadaih gij aeuyungh ndaw guek aen giekdae j canloz neix, dawzmaenh ndeileih beksingq caeuq coihwngh siufei q、douzsw h coq huq caeuq douzsw h coq vunz gaenjmaed giethab, haenqrengz guhhoengh siufei q, gyadaih gij douzsw h raenhamq, laemxsim buqcawz giz laengz giz saek gazngaih hwnqguh aen hawciengz hungloet daengx guek caezcaemh, daegbied gangj daengz lailai gikfat gij rengzhoengh gak loih ginghyingz cawjdaej, gyavaiq laebndei aen di jci gi hci youz hawciengz ndaboi q yausu, engq ndei ceihleix hungzgvanh ginghci. Doengzseiz, daezok haigvangq gij miengloh rog guek baenqloek, onjbouh gya’ gvangq hailangh cidu doi qciep gozci, henhoh aen di jci lai mbiengj mouyiz, caetliengh sang bae caezlaeb “it rangh it loh”.

Daihha j, gvendaengz daengx–cungq yinzminz doengzcae z fouqmiz byaij ok yamqdin maenh saed. Gij yendaiva yiengh Cungguk dwg gij yendaiva daengxcungq yinzminz doengzcae z fouqmiz. Cibbet Daih Dangj raeuz doxdaeuj, dou seizseiz cungj mbouj lumz simnduj, ndwn youq mbiengj yinzminz bae ngeix vwndiz, doinyoengx gvaengxdieg doxdaengh hwnghat, yungh banhfap ndaejrengz bae baujjang caeuq gaijndei gwndaen j beksingq, dwkhingz ciengz ciengq haenqrengz duetgungz, cienzmienh hwnghaenz aen biengz siujgangh, cau h’ok le diuzgienh ndei bae coengh doengzcae z fouqmiz. Faenh gauj 《Genyi》youq ndaw cijdauj swhsiengj daegbied gangj naeuz daengxcungq yinzminz doengzcae z fouqmiz yamq ok yamqdin maenh saed, neix dwg aen iugouz daengxbuenz dazyinx ginghci sevei fazcanj mboengq “Cibhaj Haj”.

Faenh gauj 《Genyi》gaenjdaet dawzndei gij moegbiu iugouz doengzcae z fouqmiz, hopheux baujjang caeuq gaijndei gwndaen j beksingq, youq coihawj couhnieb youh lai youh ndei、laebndei gij cidu faenboiq souhaeuj、banhndei yiengh gyauyuz yinzminz habhoz、laebcae z gij di jhi baujjang ndawbiengz、doinyoengx hangz fangzdicanj hwnghat coh ceiq ndei、gyavaiq hwnqguh ndangcangq Cungguk、coihawj vunzgyaeuj gig ndei bae fatmaj、onjbouh doihaeuj yiengh fugsah caezcaemh ceiq noix bouxbou x doxdoengz daengj fuengmienh, baijbouh bu ek cwngcwz banhfap doxdaengh youh ngaih guh daengz ndeu. Daj sukiq gvaengxdieg cengca、singz mbanj cabied bae naemj, youq gyavaiq nungzyez nungzcunh yendaiva、maenh saed coinyoengx cienzmienh hwnghat lajmbanj, gaijndei gij baijbouh ginghci gvaengxdieg、

doinyoengx gvaengxdieg doxdaengh hwnghat daengj fuengmienh, baijbouh bu ek guhfap saedcaih ndeu. Daj coicaenh gij cingsaenz swnghhoz yinzminz doengzcae z fouqmiz bae naemj, daezok hwnghat caeuq hengzguh aen hwzsinh gyacizgvanh sevei cujiy, haenqrengz gaujhoengh gij saehnieb vwnzva, gyavaiq fazcanj gij canjnieb vwnzva, hawj Cunghvaz vwnzmingz cienzboq engq gyae yingjiyangj engq gvangq.

Daihroek, gvendaengz doeng–buenz maeuzveh hwnghat caeuq ancienz. Youq onj le cijndae j maeuz hwnghat, hwnghat le cijndae j bauj youq onj. Coglaeng 5 bi, guek raeuz yaek miz gak cungj yinhsu fungyiemj mbouj doekdingh nanz liuh daengz haenx yied daeuj yied lai, gij yinvu doengbuenz maeuzveh hwnghat caeuq ancienz engqgya gannanz. Faenh gauj 《Genyi》hopheux doicaenh aen di jhi caeuq gij bonjsaeh bauj hawj guekgya ancienz hab ciuhneix, daezok laebcae z aen di jhi bauj guekgya ancienz de, gyaak gij bonjsaeh youq doengh aen lingjiyiz cungdenj bauj guekgya ancienz, daezsang gij sui jbingz ceihleix hawj goenggungh ancienz, laebndei aen di jhi ceihleix ndawbiengz. Hopheux caetliengh sang bae doicaenh gozfangz caeuq bingdoi h hab ciuhneix, daezok gyavaiq guh ak gij rengzhoenxcienq akmoq, doicaenh yiengh saeh ceihleix bingsaeh hab ciuhneix, gyamaenh gij di jhi caeuq gyaak gij bonjsaeh gyoebgyonj maeuzveh canloz guekgya.

Daihcaet, gvendaengz dingj–maenh yienghyiengh aeu Dangj lingjdauj. Gaemmaenh caeuq gyaak yienghyiengh cungj aeu Dangj lingjdauj dwg dai j goekgaen bauj raeuz doihaeuj gij yendaiva yiengh Cungguk. Faenh gauj 《Genyi》daj hawj Dangj engq ak engq ro x lingjdauj ginghci sevei fazcanj bae naemj, giengzdiuh dawzmaenh caeuq gyaak Dangj cunghyangh gyonjcomz lingj–dauj, laebndei aen gi hci baijbouh doeksad gij gezcwz hungnaek Dangj cunghyangh; laebdaeb yungh gij lij lun cau hmoq aen Dangj daeuj dungjiy swhsiengj、dungjiy ceiqhei q、dungjiy hengzdoengh; gaemmaenh aen yinxyiengq cingq deng yungh vunz, laebndei aen gi hci gaujhaed bingzgyaq ganbu; doengbuenz maeuzveh youq gak aen lingjiy doicaenh gi hcnwngz dangjcujciz gensez; laebdaeb mbouj cuengqsoeng doeksad gij cingsaenz bet hangh gvidingh duh cunghyangh; laebndei aen di jhi gamduk duh Dangj caeuq guekgya; laemxsim dwk–ndei ciengz ciengq haenqrengz nai h–nanz daengxbuenz fanj nduknaeuh.

Gak boux dungzci, saemjlnh doenggvaq aen gveihva 《Genyi》“Cibhaj Haj”, dwg gij yinvu youqgaenj baez cienzhoih neix. Daihgya aeu nyinhcaen ngeixnaemj、yaenglnh haeujaeg bae, daezok gij yigen caeuq genyi baenzyungh, caemh hai ndei baez cienzhoih neix、gaij ndei faenh gauj 《Genyi》neix.

(Sinhvazse Baekging 10 nyied 28 hauh dien h)